




中国古代神话与史实

朱芳圃遗著 王 珍整理

中 国 书 画 社

I207.7/10
DE 10/15


中国古代神话与史实

朱芳圃遗著 王 珍整理

首都师范大学图书馆



20881859



中 国 书 画 社

881859

内 容 提 要

这是一部研究古代神话传说与史实关系的书籍。作者以古文献中关于神话传说的史料为依据,运用古文字学、古音韵学、训诂学、考古学、民俗学等,对夏禹之前的神话传说的产生、发展作了较详细的考证。资料丰富,论点鲜明。对研究古代神话传说与远古社会有一定的参考价值。可供大专院校文史系师生、文史研究者及其他文史爱好者阅读。

中国古代神话与史实

朱 芳 圃 遗 著

王 珍 整 理

责任编辑:郑 荣

中 州 书 画 社 出 版

河南省生考县印刷厂印刷

河南省新华书店发行

787×1092毫米 32开 5.25印张 101千字

1982年11月第1版 1982年11月第1次印刷

印数:1—9,700册

统一书号 10219·14 定价 0.51 元

060100

目 录

洪 水	(1)
共 工 句 龙	(7)
鲧和禹	(20)
冯 夷	(27)
灌 头 丹 朱	(31)
伯 夷 皋 陶 许 由	(37)
女 魃 听 沃	(46)
玄 冥	(47)
虞 幕 句 望	(52)
夏 启	(55)
夷 羿	(61)
互人国	(69)
神 农	(71)
燕 玄 玄 鸟	(75)
郊 禋 高 禘	(77)
昌 意 伯 益	(80)
封 豷 伯 封	(85)
吉 量	(86)

开 明 麒 麟.....	(90)
并 封.....	(92)
三 苗 九 黎.....	(95)
举 父 夸 父.....	(108)
涂山女.....	(111)
夙 沙.....	(115)
肃 慎.....	(117)
黄 帝.....	(119)
炎 帝.....	(131)
帝 尧.....	(133)
帝 舜.....	(137)
西王母.....	(145)
整理后记.....	(162)

洪 水

洪水神话，典籍所载，述之如次：

《吕氏春秋·爱类》：“昔上古龙门未开，吕梁未发，河出孟门，大溢逆流，无有丘陵沃衍，平原高阜，尽皆灭之，名曰鸿水。禹于是疏河决江，为彭蠡之障，干东土，所活者千八百国。此禹之功也。”

按此言洪水之来，由于龙门未开，吕梁未发，故河水大溢逆流，致成洪水。

《淮南子·人间训》：“古者沟防不修，水为民害。禹凿龙门，辟伊阙，平治水土，使民得陆处。”

按此言洪水之来，由于沟防不修。

《尚书·禹贡》：“导河积石，至于龙门。”

《淮南子·修务训》：“（禹）凿龙门，辟伊阙。”

（高诱注：“龙门本有水门，鲛鱼游其中，上行得上过者，便为龙，故曰龙门。”）

《水经注·河水》：“河水又出于阳紆陵门之山，而注于冯逸之山。”

按《山海经·海内北经》言：“凌门之山，河出其中。”清郝懿行案：“陵门即凌门也，或云即龙门，凌、龙亦声相转

甸也。”凌、龙声近。龙门在今陕西韩城县东，河所出。

《淮南子·齐俗训》：“禹之时，天下大雨，禹令民聚土积薪，择丘陵而处之。”

按此言洪水之来，由于大雨。

综上三说，洪水为灾，一由地势，二由人为，三由天时。凡此皆后起之传说，其原始神话，乃由共工之振滔。

《淮南子·本经训》：“舜之时，共工振滔洪水，以薄空桑。龙门未开，吕梁未发，江淮通流，四海溟滓。民皆上丘陵，赴树木。舜乃使禹疏三江五湖，辟伊阙，导瀍、涧，平通沟陆，流注东海。鸿水漏，九州干，万民皆宁其性。”

按此言共工振滔洪水，禹治平之，当为最早神话之真象。

《山海经·大荒西经》：“有禹攻共工国山。”

《荀子·成相》：“禹有功，抑下鸿，辟除民害逐共工，北决九河，通十二渚疏三江。”

又《议兵》：“禹伐共工。”（《战国策·秦策》同）

按大水之来，或由天作淫雨，山洪暴发，或由秋水时至，百川沸腾，及其平息，青山无恙，两岸沙明，初民睹此自然界之剧变，幻想所及，构成神话，此禹逐共工抑洪水之传说所由来。

《山海经·海外北经》：“共工之臣，曰相柳氏。

九首，以食于九山。相柳之所抵，厥为泽谿。禹杀相柳，其血腥，不可以树五谷种。禹厥之，三仞三沮，乃以为

众帝之台。在昆仑之北，柔利之东。相柳者，九首，人面，蛇身而青。不敢北射，畏共工之台。台在其东，台四方，隅有一蛇，虎色。首冲南方。”

又《大荒北经》：“共工臣，名曰相繇。九首，蛇身自环，食于九土，其所歇所尼，即为源泽，不辛乃苦，百兽莫能处。禹湮洪水，杀相繇，其血腥臭，不可生谷；其地多水，不可居也；禹湮之，三仞三沮，乃以为池。群帝是因以为台。在昆仑之北。”

按相柳、相繇，原为复词，繇、柳之分化，古读diōg Liōg，九首蛇身，当即《楚辞·天问》：“雄虺九首，倏忽焉在”之雄虺，又《招魂》：“雄虺九首，往来倏忽，吞人以益其心些。”又繇、柳之合音为d'liōg，声转为虺。《荀子·劝学》：“虺蛇无足而飞。”《说文》：“虺，神蛇也。从虫，朕声。”《山海经·海外北经》言：“相柳之所抵，厥为泽谿。”又《大荒北经》言：“其所歇所尼，即为源泽。”是亦造成洪水之灾者，故禹杀之，塞洪水以为众帝之台。

《山海经·海内经》：“洪水滔天，鲧窃帝之息壤以堙洪水，不待帝命，帝令祝融杀鲧于羽郊，鲧复生禹，帝乃命禹卒布土以定九州。”郭璞注：“息壤者，言土自长息无限，故可以塞洪水也。”

按此言鲧开始布土，禹完成鲧之功劳，从此九州安定。至鲧之失败，是不待帝命。

《淮南子·墜形训》：“禹乃以息土填洪水以为名山。”

按禹用息土以填塞洪水，造成名山，此即所谓敷土平水与

山。

《夏书》：“禹堙洪水十三年。”（《汉书·沟洫志》引《史记·河渠书》“堙”作“抑”。《索隐》：“抑者，遏也。……堙、抑皆塞也。”）

《国语·鲁语》：“鲧障洪水而殛死，禹能以德修鲧之功，……故……夏后氏……郊鲧而宗禹。”

《孟子·滕文公下》：“昔者禹抑洪水而天下平。”

《荀子·成相》：“禹有功，抑下鸿，辟除民害逐共工。”

按洪从共声，鸿从江声。共工即以水为名。《孟子·滕文公下》：“当尧之时，水逆行，泛滥于中国，蛇龙居之，民无所定；下者为巢，上者为营窟。《书》曰：‘洚水警余。’洚水者，洪水也。使禹治之。”《广韵》、《集韵》“洚”并读“胡公切”。鲧塞洪水，禹修鲧之功，亦塞洪水，故夏后氏郊鲧而宗禹。

《庄子·天下篇》：“墨子称道曰：‘昔者禹之湮洪水，决江河，而通四夷九州也，名山三百，支川三千，小者无数。禹亲自操橐耜而九杂天下之川，腓无胈，胫无毛，沐甚雨，栉疾风，置万国。禹大圣也，而形劳天下也如此。’”

《淮南子·修务训》：“禹沐（原有“浴”，据王校删）霖雨，栉扶风，决江疏河。”

又《要略训》：“禹之时，天下大水，禹身执耒耨（原作“垂”，据王校改）以为民先。”

《吕氏春秋·贵因》：“禹通三江五湖，决伊阙，迴沟陆。”（原作“沟回陆”，据王校改。迴沟陆者，通沟道也。）

《韩非子·五蠹》：“禹之王天下也，身执耒耜以为民先。”

按此言禹埴洪水，决江河，洪水须埴，江河须决。山东武梁祠石室画像第九幅为“夏禹长于地理，脉泉知阴。”此图禹头戴笠，手执耒，正所谓栉风沐雨、身执耒耜者。

《墨子·兼爱中》：“古者禹治天下，西为西河渔窦，以泄渠孙皇之水；北为防原派，注后之邸，埴池之窦，洒为底柱，凿为龙门，以利燕、代、胡、貉与西河之民。东方漏之陆，防孟诸之泽，洒为九淦，以榷东土之水，以利冀州之民，南为江、汉、淮、汝，东流之注五湖之处，以利荆、楚、干、越与南夷之民。”

按此所谓泄、注、洒、凿、漏、流，皆为决疏之法。追原鲧、禹治水传说之改变，实为战国时势之反映。战国之时，交通四辟，水利大兴，因为防止水患，故盛行筑堤之法。为便利交通，振兴农业，故又盛行疏水灌溉之法。但筑堤之害处多而利益少，疏水灌溉，则有利而无弊，故防洪水之传说，渐归于鲧，而疏洪水之传说，渐归于禹。

《汉书·沟洫志》：贾让奏：“古者……大川无防，小水得人，陂障卑下，以为汗泽。……盖堤防之作，近起战国，雍防百川，各以自利。齐与赵、魏以河为竟。赵、魏濒山，齐地卑下，作堤去河二十五里。河水东

抵齐堤，则西泛赵、魏；赵、魏亦为堤去河二十五里。虽非其正，水尚有所游荡，时至而去，则填淤肥美，民耕田之。或久无害，稍筑室宅，遂成聚落。大水时至漂没，则更起堤防以自救，稍去其城郭，排水泽而居之，湛溺自其宜也。”

按春秋时齐桓公盟誓有“毋壅泉”（《谷梁》说），说是堤防之作，近起战国，不甚可据。自从战国君主壅防百川，各自为利以邻国为壑（《孟子·告子》），于是鲧成为壅泉之罪魁了。

《尚书·禹贡》：“北过降水，至于大陆。”

《史记·夏本纪》同。《集解》引郑玄曰：“《地理志》降水在信都南。”《索隐》：“《地理志》降水字从‘系’，出信都国，与庾池、漳河水并流入海。”《正义》引《括地志》云：“降水源出潞州屯留县西南，东北流，至冀州入海。”

《汉书·地理志》：“北过降水，至于大陆。”颜师古注：“降水在信都。”

《史记·魏世家》：“绛水可以灌平阳。”（《正义》引《括地志》曰：“绛水……源出绛山。”）

《水经注·浊漳水》：郑玄注《尚书》北过降水云，降，下江反，声转为共。“今河内共北山，淇水出焉，东至魏郡黎阳，入河，近所谓降水也。……盖周时，国于此地者恶言降，故改云共耳。”

《吕氏春秋·慎人》：“故许由虞乎颍阳，而共伯

得乎共首。”（高诱注：“共国，伯爵也。弃其国，隐于共首山，而得其志也。”）

《荀子·儒效》：“至共头而山隧。”（杨倞注：“共，河内县名。共头，盖共县之山名。……共音恭。”）

《吕氏春秋·诚廉》：“又使保召公就微子开于共头之下而与之盟。”（高诱注：“共头，水名。”）

《庄子·让王》：“故许由娱于颍阳，而共伯得乎共首。”

按黄河自古为害北方，夏族居黄河流域，降水为河水支流。共工之国，当即河内共县（今河南辉县），共工振滔洪水，亦即降水。

共 工 句 龙

共工神话，典籍所载，述之如次：

《山海经·大荒西经》：“不周（负子），有两黄兽守之。有水曰寒暑之水，水西有湿山，水东有幕山。有禹攻共工国山。”（郝懿行按：《文选·甘泉赋》及《思玄赋》、《太平御览》五十九卷引此经，并无“负子”二字。当据正。）

《楚辞·天问》：“康回冯怒，地何（故）以东南

倾？”（王逸注：“康回，共工名也。”《太平御览》三六、《事类赋》注四引此，并有“以”字，无“故”字。当据正。）

《淮南子·原道训》：“昔共工之力，触不周之山，使地东南倾（高诱注：“共工以水行霸于伏牺、神农间者也，非尧时共工也。不周山，昆仑西北。），与高辛争为帝，遂潜于渊，宗族残灭，继嗣绝祀。”

又《天文训》：“昔者共工与颛顼争为帝，怒而触不周之山，（高诱注：“共工，官名。伯于虑羲、神农之间。其后子孙任智刑以强，故与颛顼黄帝之孙争位。不周山，在西北也。）天柱折，地维绝。天倾西北，故日月星辰移焉；地不满东南，故水潦尘埃归焉。”

又《兵略训》：“颛顼尝与共工争矣。……共工为水害，故颛顼诛之。”

又《本经训》：“舜之时，共工振滔洪水，以薄空桑。（高诱注：“共工，水官名也，柏有之后。振，动也；滔，荡也。欲壅防百川，滔高堙库，以害天下者。薄，迫也。空桑，地名，在鲁也。”）龙门未开，吕梁未发，江淮通流，四海溟滓。民皆上丘陵，赴树木。（高诱注：“龙门，河之隘也。在左冯翊夏阳北，禹所凿也。吕梁，在彭城吕县。石生水中，禹决而通之，民所由得度也。故曰吕梁也。未发之时，水道不通，江淮合流，四海溟滓，无岸畔也。”）舜乃使禹疏三江五湖，辟伊阙，导潁洧，（高诱注：“伊阙，山名也。禹所开

以通伊水，故曰辟伊阙。在洛阳西南九十里，瀍涧，两水名。”）平通沟陆，流注东海。鸿水漏，九州干，万民皆宁其性。”

又《墜形训》：“共工，景风之所生也。”高诱注：“共工，天神也。人面蛇身，离为景风。”

《归藏·启筮篇》：“共工，人面蛇身，朱发。”（《山海经·大荒西经》郭璞注引）

《神异经》：“西北荒有人焉，人面朱发，蛇身人首足，而食五谷，禽兽贪恶顽愚，名曰共工。”

《左传》昭公二十九年：“蔡墨曰：‘共工氏有子曰句龙，为后土。’”

《荀子·议兵》：“是以尧伐驩兜，舜伐有苗，禹伐共工，汤伐有夏，文王伐崇，武王伐纣。此四帝两王，皆以仁义之兵行于天下也。”

又《成相》：“禹有功，抑下鸿，辟除民害逐共工。”

《史记·律书》：“颛顼有共工之陈，以平水害。”

岑家梧《水家仲家风俗志》说水家之传说：“洪水泛滥，……于是天神放下水鼠，到处挖洞疏导，洪水始退。”（载《西南民族文化论丛》）

按洪之言共也，因水为共工所振滔，故谓之洪水。共工与句，侯东对转，实一名之分化。句之言纠也，当即纠龙，亦即《广雅·释鱼》之“鼇龙”，故今俗犹谓大水为龙水。《淮南子·原道训》言“共工……与颛顼争为帝，遂潜于渊”，盖共工为水虫，故失败后潜藏于渊。《山海经·大荒

西经》则言“有禹攻共工国山”，《荀子·议兵篇》言“禹伐共工”，又《成相》言“禹……逐共工。”盖洪水之起，由于共工之振滔，禹攻伐之，驱逐之，水自平息。《左传》昭公十七年言：“共工氏以水纪，故为水师而水名。”盖共工原为水物，故以水纪。其神话当分两系：一、《淮南子·天文训》言：“共工……触不周之山，天柱折，地维绝。”此盖先民解释天象地形之神话。谓日月星辰之移于西北，水潦尘埃之归于东南，由于天倾西北，地不满东南。其原因为共工触不周之山，使天柱折，地维绝所致。二、《淮南子·本经训》言：“共工振滔洪水，以薄空桑。”此盖与鲧塞洪水为一事，传说分化为二，说详《鲧和禹》篇。

《尚书·洪范》：“箕子乃言曰：我闻在昔，鲧堙洪水，汨陈其五行。帝乃震怒，不畀洪范九畴，彝伦攸斁。鲧则殛死，禹乃嗣兴。天欲锡禹洪范九畴，彝伦攸叙。”

《国语·周语》：“古之长民者，不堕山，不崇薮，不防川，不窞泽。……昔共工弃此道也，虞于湛乐，淫失其身，欲壅防百川，堕高堙庳，以害天下，皇天弗福，庶民弗助，祸乱并兴，共工用灭。其在有虞，有崇伯鲧，播其淫心，称遂共工之过，尧用殛之于羽山。其后伯禹念前之非度，釐改制量。……共之从孙四岳佐之，高高下下，疏川导滞，钟水丰物，封崇九山，决汨九川，陂鄣九泽，丰殖九藪，汨越九原，宅居九隩，台通四海。……莫非嘉绩，克厌帝心。皇天嘉之，祚以天下，赐姓曰‘姒’，氏曰‘有夏’，……祚四岳国，命

以侯伯，赐姓曰‘姜’，氏曰‘有吕’。”

按《国语·周语》所载，全由神话演为人话，一事析为二事。兹与《淮南子·本经训》两相对比，列表如次：

《淮南子·本经训》	《国语·周语》
共工振滔洪水以薄空桑	共工壅防百川以害天下
	伯鯀遂称共工之过
	共工用灭
	尧殛鯀于羽山
禹疏三江五湖	伯禹疏川导滞
鸿水漏九州于	合通四海

振滔洪水，全为神话。壅防百川，盖据春秋战国时代以邻国为壑（见《孟子·告子》），壅防百川，各自为利（见《汉书·沟洫志》）为背景立说，明为人话。至共工与伯鯀为一人之分化，说详《鯀和禹》篇。

《逸周书·史记解》：“昔有共工自贤，自以无臣，久空大官，下官交乱，民无所附，唐氏伐之，共工以亡。”

按《汉书·地理志·河内郡》：“共，故国。”今属河南辉县。当即共工之国。唐，即陶唐。《帝王世纪》：“尧都平阳。”

（《史记·五帝本纪》《正义》引）今属山西临汾。《逸周书·史记解》言唐氏伐共工而亡之，当为事实。

《国语·鲁语》：“共工氏之伯九有也，其子曰后土，能平九土，故祀以为社。”（《礼记·祭法》“伯”作“霸”，“九有”作“九州”，“九土”亦作“九州”）

《左传》昭公二十九年：“共工氏有子曰句龙，为后土。”按共工即鯀，句龙即禹，其证如次：

《国语·周语》：“古之长民者，不堕山，不崇薮，不防川，不窞泽。……昔共工弃此道也，虞于湛乐，淫失其身，欲壅防百川，堕高堙庳，以害天下。”

又《鲁语》：“……以死勤事则祀之，……鯀鄩鸿水而殛死，禹能以德修鯀之功……皆有功烈于民者也。”

（《礼·祭法》无“以德”二字）

《尚书·洪范》：“鯀壅洪水，汨陈其五行，帝乃震怒，不畀洪范九畴，……鯀则殛死，禹乃嗣兴，天乃锡禹洪范九畴。”

《山海经·海内经》：“洪水滔天，鯀窃帝之息壤以堙洪水。”

共工壅防百川，堕高塞庳，以害天下，与鯀窃帝之息壤以塞洪水，遂致大灾相同。证一。

《逸周书·史记解》：“昔共工自贤，自以无臣，久空大官，下官交乱，民无所附，唐氏伐之，共工以亡。”

《楚辞·离骚》：“鯀婞直以忘身兮，终然天乎羽